


20250.89
138

袁州府志

袁州府志



續修袁州府志序

袁郡有志創於宋續於明逮



國朝乾隆庚辰陳公廷枚繼纂之
厥制稱宏博焉迄今又百餘年
矣經制所移易事蹟所增益為
時既久傳述或殊不從而致訂

之胡以徵信維我

大中丞峴莊劉公撫巡江右政
洽人和往歲糾官紳議輯通志
并檄各郡縣分纂以為採擇資
由是前守駱公敏修榮公綬相
繼集士紳開局興修均未蒞事

瓜代去予踵其後因所訂稿校
付剗刷而是書以成予維郡志
視省志加詳而視縣志較略必
也列綱分目詳所必詳仍寓略
所可略之意斯規模具備而裁
制以精否則務博好奇攬摭失

實雖復文采可觀究於志之義
無當欲據為一郡之信書也可
乎哉袁郡於茲役官紳翕厥謀
毋徇私毋執己舉凡疆域之辨
風土之宜與夫官師政教諸大
端所紀述悉準省志例為權衡

而詳與略各得其當予值斯役之告竣則亦惟諸君子之殫心研慮是尚而予藉以樂觀厥成也顧予尤有感焉者袁郡稱山水奧區蜿蜒磅礴代鍾偉人而節義流傳至今猶凜々有生氣

如黃太常袁江督諸公為最著近因粵逆肆擾士女捐軀者踵相接彼其舍生取義固涵濡於國家之厚澤深仁要亦鄉先輩之大節精忠有以激發其心而作之氣操觚者顧視激揚為虛事

坐使忠孝義烈湮沒於荒煙蔓
草間無以為採風之一助此固
大吏所深憂抑亦有司者之責
也今得諸君子一意搜羅精心
考覈或存其梗概或要其始終
是尤於詳略得體裁之正者予

披章流覽蓋不禁於斯三致意
焉若夫撫瘡痍盛絃誦明條教
飭風規追蹤前哲蔚為山川生
色無失我

大中丞訓育深意益廣

聖朝文治於無窮則予有志未逮

願與後之守斯土者覽是編而
共相勸勗也夫

同治十有三年歲次閏逢閏歲壯
月上澣知袁州府事加三級紀
錄十次三韓黃恩浩撰



袁州府縣志纂要序

袁州於江右為名郡昔韓文公刺郡日愛其賦稅及時閭閻無事他日嘗一再寄意形之吟詠當是時袁州屬江南西道所領縣三曰宜春曰萍鄉曰新喻宋開寶八年始割筠州之萬載來屬雍

袁州府志

卷首

序

一

熙元年又析宜春十鄉立分宜縣淳化三年割新喻屬臨江軍州領縣四後遂為定制由元迄明未之有改也

本朝二百餘年間休養生息戶口物產稱蕃滋焉邇者粵匪不靖投及袁州蹂躪之餘民居蕩析雖旋經官兵剗定哀鴻

復集然城郭如故廡舍半頽曩時典籍則已淪墜無存矣咸豐九年冬香樞奉憲檄權篆茲郡下車之始循故事索取郡志板毀於寇不可復得繼徵諸邑志皆以被寇之後板籍已失深用盡然於心數月以來於接見郡人士每從搜

袁州府志

卷首

序

二

訪遺編遂展轉覓得府縣各舊志以餘之暇手披目覽思與郡人謀重加採摭增修新志祇以屬多事困敝之日力固未之逮也顧念郡邑志書實有關於政治新志縱未能續修而併此舊志亦聽其就湮毋乃守土者之過歟且袁之為州

也地處江楚之交稽諸往籍江楚有事
袁郡必先被兵故前明嘗設重衛以鎮
之是袁實江右西南一屏蔽也觀於山川
而欲知其阨塞之形險易之勢稽於郡里
而欲知其遠近之域廣輪之數不有圖志
其能瞭如指掌况夫田賦之輕重物力之

袁州府志

卷首

序

三

盈耗戶口之多寡風俗之淳澆政事之得
失利弊之興除非志更何所徵考則欲
講求吏治者誠不可不於地志加之意也
嘗讀袁郡志載元末歐祥據郡田一畝
令民納米三鄉斗止三升其後納款造
冊誤以鄉斗作官斗明太祖減半定科

猶計稅一斗六升有奇有明三百年表
之官民公私安困至

國朝順治十年布政使莊公有清汰
浮糧之請

命考成憲表以屬經兵燹冊籍蕩如巡撫
都御史蔡公援舊志田賦一帙陳請得

嘉州府志

卷首

序

四

旨俞允表屬每計一斗六升之誤科減照
新喻九州三合之實賦於是四邑數十萬
生靈始出於水火之中而安其耕鑿之
天是志書之為功於表民而大有裨於
聖朝之仁政也其所關係不甚重哉喬樞
是取諸志撮其沿革一置城都里城池山

川水利闕隘形勢四賦戶口學校公署兵
衛武事津梁驛道諸切治要者先付剗
剗按之舊本以為傳信之徵俟諸將來
以為鑿修之地閱者尚察其苦心而勿以不
不備為責焉斯則余之厚幸云爾時
咸豐十年歲次庚申仲秋八月知袁州


袁州府志

卷首

序

五

府事候官陳喬樞序



袁州府志 卷首

凡例

一郡志始宋嘉定時閱明季凡數修書缺有間迨我

朝康熙間太守李公芳春與監司施公閏章重加裁定歷

九十餘年而陳公廷枚守是邦首訂志乘廣為搜羅始

稱完善此次立綱分目悉遵頒發程式間有出入亦以

陳志為據其為陳志所無應增補者參以各邑新志細

加斟酌以求確當

一卷首恭編

列聖詔諭及歷奉

袁州府志

卷首

凡例

編音敬謹增入昭示萬世

一 方志古名圖經隋書經籍志諸州圖經集一百卷是也

舊志圖經本覺詳核茲再加攷訂俾形勢規制開卷瞭

然

一 西漢邵國計書先上太史郡志在焉而馬遷所紀僅述

河渠後劉向略言地域班固因之作地理志故志首地

理實倣其式繫以星野取地以承天之義但袁州遠在

邊隅毗連荆楚微芒之間論星野者言人人殊然占星

紀異稽諸史傳未必盡誣茲擇從簡未嘗泛引諸書

致譏穿鑿

一郡縣之制出合而分袁於漢爲宜春吳統於安成郡至隋始置袁州其間四境之廣狹各屬之增損歷代互異故疆域之後繼以沿革節次鋪敘而統部屬縣另畫橫表庶史裁合而覽者犁然

一山川爲一郡形勝若脉絡不明源流不辨則無以知其起伏悉其分合今各疏出庶窮源竟委朗若列眉至水利津梁必爲一方之公利方得備書

一古蹟有見於各類者彼詳則此宜畧蓋遵史傳互見之法至風俗土產前志臚列最詳今仍之

一建置自乾隆二十五年以前悉照舊志登載入後或創

袁州府志

卷首

凡例

二

建修葺務關郡中義舉始從各邑志中畧爲補載其他未敢濫登

一食貨學校爲厚生正德之要前志所紀悉仍其舊間有補載亦從各邑志中錄出

一武事自康熙年間戡定叛亂二百年來不見干戈近遭粵逆擾攘陷城畧地紳民起義者踵相接故敘次本末不厭其詳

一文武秩官均照時代次序就其中有功德於民者曰名宦特爲表出之以勵官常他如歷代封爵不過食租衣稅亦爲年表以存古封建遺法

一選舉自文進士舉貢武科外其白例選係實在官階有案可據者例得附載分列文武仕籍而封贈必須實在官員得遇

單恩蔭襲亦須已見明文者方得備載者壽但載百歲以上五世同堂亦必已蒙憲申報者方登餘不濫及

一史列傳專紀名臣歐公作五代史創立雜傳舊志遵之茲照省志體例標立名目以微示區別而忠義出於天性表揚宜先匹夫死綏亦得彙載以昭正氣各志傳中有僅紀官爵稱公稱君者不合史裁今一以稱名爲斷一節孝舊志有傳者仍舊備書其餘從各邑志補載者因

袁州府志

卷首

此例

三

限於卷帙未立小傳僅紀芳名以昭畫一

一班固藝文志分經史子集標舉書目今師其意而名公鉅卿之所紀載騷人逸士之所題咏亦備錄焉至金石流傳已久風霜兵燹剝落良多畧採數條亦攷古者之一助

志經數編間有引證統稱舊志其照各邑新志採錄者概不註明而見於一統志通志及徵引他書則概行註明至各卷目後間有按語皆管見所及非發揮事理卽釐正訛謬其爲舊志所按者仍存之但見聞未廣疏陋尚多匡其不逮是所望於博雅之君子

袁州府志目錄

卷首

序文

凡例

目錄

姓氏

輿圖

原序

聖諭

地理卷一之一

袁州府志

卷首

目錄

星野

古候

祥異附

疆域

鄉邑附

沿革

表附

山川

形勝附

水利

地理卷一之二

津梁

古蹟

坊表

塔

風俗

氣侯

方言附

土產

建置卷二

城池 驛遞附

壇廟

公廨 試舍 會館 育嬰堂 普濟堂
養濟院 漏澤園附

食貨卷三

戶口

田賦 雜課 土貢 四差 起運
存留 兵米 蠲緩 鹽課附

倉儲 社倉 義倉附

屯運

學校卷四

袁州府志

卷首

目錄

學宮 祀儀附

學額 學田附

書院 社學附

武備卷五

兵制 阨塞附

武事

秩官卷六之一

文職

秩官卷六之二

武職

名臣

封爵表

選舉卷七之一

薦辟表

進士表

舉人表

鄉貢表

選舉卷七之二

武科表

任籍表

東周府志

卷首

目錄

三

封贈表

蔭襲表

百歲表

五世同堂表

人物卷八之一

名臣

宦業

理學

儒林

文苑

人物卷八之二

忠義

孝友

善士

隱逸

方技

寓賢

人物卷八之四

列女

藝文卷九之一

袁州府志

卷首

目錄

書目

藝文卷九之二

詔

表

狀

疏

劄子

議

碑

銘

序

引

書

啟

藝文卷九之三四五六

記

藝文卷九之七

頌

贊

辨

袁州府志

卷首

目錄

五

書後

跋

告文

青詞

賦

詩

藝文卷九之八

詩

詩餘

金石

雜類卷十

仙釋

寺觀

軼事

袁州府志

卷首

目錄

六

新修府志姓氏

總裁

兵部尙書

兼都察院右都御史總督兩江等處兼理軍務糧餉操江兩淮鹽務加三級

李宗義

四川開縣人丁未進士

兵部侍郎

兼都察院右副都御史巡撫江西等處提督軍務碩勇巴圖魯加三級

劉坤一

湖南新甯人廩生

光祿寺正卿軍機處行走

提督江西全省學政加三級

許庚身

浙江錢塘人壬子進士

鑒定

江西等處承宣布政使司

布政使張勇巴圖魯加三級

劉秉璋

安徽廬江人庚申進士

布政使銜

江西等處提刑按察使司按察使總理驛務隨帶加七級紀錄十次

李文敏

陝西西鄉人壬子進士

江西通省督糧道

兼巡南撫建地方兼管水利驛務加十級紀錄十次

王必達

廣西桂林人癸卯舉人

江西通省鹽法道

兼巡瑞臨地方兼管水利驛務加十級紀錄十次

吳兆麟

浙江錢塘人壬辰舉人

袁州府志

卷首

姓氏

署理江西通省鹽法道

兼巡瑞臨地方加三級

繆德棻

江蘇人監生

總修

道銜前任

袁州府知府

駱敏修

湖北蘄州人丁未進士

道銜前任

袁州府知府

榮

綬滿州正藍旗人戊午舉人

三品銜特授

袁州府知府

黃恩浩

福建駐防人庚子舉人

同修

特授袁州府

同

知劉

煒

山東沂水人監生

分修

同知銜前署

宜春縣知縣

路青雲

順天大興人進士

同知銜前任

宜春縣知縣

王希孟

山東濮州人舉人

同知銜署理宜春縣知縣姚克諧四川劍州人

同知銜前任分宜縣知縣李寅清江蘇江都人

同知銜特授分宜縣知縣丁毓琨浙江歸安人

同知銜前任萍鄉縣知縣王明璠湖北通山人

同知銜前署萍鄉縣知縣許繩武浙江錢塘人

同知銜署理萍鄉縣知縣劉大方湖南清泉人

同知銜前任萬載縣知縣金第浙江仁和人

同知銜特授萬載縣知縣李大觀山西沁水人

協修

前署袁州府儒學教授黃中吉弋陽人

袁州府志

卷首

姓氏

二

特授袁州府儒學教授易鳳書新昌人

前署袁州府儒學訓導童以忠南昌人

特授袁州府儒學訓導鄒觀瀾豐城人

監理

前署袁州府經厯許朝瑗安徽歙縣人

署理袁州府經厯潘克昌湖北江夏人

纂修

翰林院編修記名御史候選知府蕭玉銓萍鄉人

運同銜候選員外郎前任直隸河間府同知敖星煌萍鄉人

同知銜福建上杭縣知縣前翰林院庶吉士李佩琳宜春人

浙江龍游縣知縣前翰林院庶吉士陳瑜官者人

揀選知縣曹瑞祥萬載人

揀選知縣郭曉堂萬載人

揀選知縣習承恩分宜人

候選訓導黃蘊春分宜人

候選教諭李有棠洋鄉人

候選訓導喻恭和洋鄉人

袁州府志

卷首

姓氏

歷修府志姓氏

宋嘉定十三年

知州事滕強恕 郡博士林護新 醴陵大夫張耕

明成化間

知府劉懋 府學訓導陳定

正德甲戌

知府姚汀 徐連 郡人編修嚴嵩 生員歐陽誠

嘉靖丙午

知府范欽 徐禎 郡人大學士嚴嵩 編修彭鳳

御史何併 大僕寺丞郭進以上俱郡人 編修高拱 董份

袁州府志 卷首

姓氏

檢討陳以勤 王材 晁琛 政和知縣陳德文

嘉靖庚午續刊

知府李德甫

萬曆庚申

知府黃鳴喬 郡人鴻臚寺卿袁業泗 邵武知府吳

三益 瀏陽知縣朱志 生員辛御良

國朝順治丙申

知府吳南岱 同知弋挺 推官鍾琇 郡人廬鳳巡

撫陳之龍 貢生袁繼梓

乾隆庚辰

知府陳廷枚 同知楊應璠 宜春知縣郭人傑 分

宜知縣楊宏綱 萍鄉知縣張枚 萬載知縣張立中

府學教授熊日華 萬載教諭魯鴻 舉人宜春袁

芳杏分宜習敏嚴秉連蕭邦翼歐陽欽趙祓萍鄉文世

崧萬載辛廷芝 拔貢萍鄉劉魏楊炳中 歲貢宜春

劉孔薰分宜林鳴鶯萍鄉甘棠芬劉杰 生員宜春彭

廷芳陳敏彭席珍易恆萍鄉顏炳文期聖萬載王昌典

郭大鼎 監生宜春王學正羅鼎丞萬載朱嘉秩 童

生宜春黃唐龍飛海張占魁

嘉慶癸亥重校

袁州府志

卷首

姓氏

五

知府王朝颺 宜春教諭茅連茹

咸豐庚申重刊

知府陳喬樞

繪圖

袁州府志

卷首

輿圖

袁州府境圖



西南



袁州府志
卷首

輿圖

東

東壇



二

袁州府志



宜春縣境圖

東至分宜縣界

卷首

輿圖

三



袁州府志

卷四

輿圖

四

分官縣境圖

北至最高界

東至新喻界

西至萍鄉縣界



南至安南

南至安南

南至安南



袁州府志

卷首

輿圖



袁州府志

卷首

輿圖

六

高載縣境圖

東至上高縣界

南園

斗門

界縣陽劉

市城湖

醴陵縣界

金魚

欽風鄉

界縣侯




袁州府志

卷首

輿圖

七

府署圖





汝州府志

卷首

輿圖

八

刑學宮圖






昌黎書院圖

袁州府志

卷首

輿圖

九



介石亭



袁州府志

卷首

輿圖

十






袁州府志

卷首

輿圖

十一





化成晚鐘

袁州府志

卷首

光緒壬午知府長白葛格欽補

十三




盧洲印月

蘇州府志

卷首

輿圖

十三



南池湧珠

表州府志

卷首

輿圖

古



雲谷飛瀑

袁州府志

卷首

輿圖

五




袁州府志
仰山積雪


卷首

輿圖

六



釣台烟雨



袁州府志

卷首

輿圖

十七



袁州府志

卷首

輿圖

六

翠山



袁州府志

卷首

輿圖

九



原序

九邱之書不可得而見矣然禹貢一編其於山川土地之別貢賦物產之宜靡不登載則去古雖遠學者尙於此乎有考後世郡邑圖志之作其幾是歟宜春爲江右名郡韓文公典州口愛其賦稅及時人安吏循閭里無事異時因饑客嘗寄意於江山多勝游之句然風土之可紀者蓋非止江山一事而已郡舊有志往往攷訂之不精詳而或失之煩簡而或失之畧牴牾重複覽者病焉而況距今六十年間事多興廢沿革則大書特書以貽悠遠誠當不一書而遂止也宗卿滕侯撫藩踰年一新簡陋典章文物尤所

袁州府志

卷首

原序

一

經意迺命郡博士林君夔新醴陵大夫張君耕博訪舊聞蒐輯放失隨事編摩臚分彙列釐爲若干卷於是一郡四邑之事迹粲然如指諸掌將銀木以永其傳迺屬予爲之序予晚學不足與斯文惟侯之爲此州也約已厚下民懷吏爭講明利病以序罷行皆所以爲一方長久慮也而束於簡書局於歲月有不得以盡行其志焉則是書之作豈爲無意哉揭敷之米雖蠲而取於民者未盡平也折絹之令雖格而和買平糴之害未能除也珥筆之謗雖弭而風俗之醕猶未徧也防患之意雖至而李渠之利尙未復也以至山川之氣未發田里之力未實鬼習盛而未革官府

備而未完發通而推廣之是豈無望於後之人乎予故考述侯之志著之篇首庶幾因其書以求其意有以充其惠於無窮云侯名強恕金華人也宋嘉定十三年十一月首龍圖閣宜春張嗣古撰

郡有志猶國有史也古者列國皆有史晉乘楚檮杌魯春秋是也後世作於朝廷者曰史於四方者曰志明興四方之志蓋爛然矣法雖與史異而疆域見焉土風物產著焉創建詳焉食貨兵防祠祀政教寓焉名臣節士貞媛之風美列焉而後之曰史者所采錄又多於此焉據則志於四方固亦史也袁爲江右大郡政賦視古侯國所出才賢文

袁州府志

卷首

原序

二

學忠節行誼之士炳靈毓秀彬彬所萃法宜有志舊有志譌舛闕誤觀者病之歲壬申嵩養疴鈔山太守姚侯惟寧以書來屬輯志謝不敏不獲於是稽郡乘觀星野攬撫子史傳記之說網羅金石之文旁聽博聞山氓故老之譚以補益其事以爲志是故首之圖境土別矣次之表沿革識矣次之創建食貨諸目官政具矣次之名宦人物觀法者可考矣又次之文藝古今之制作備矣既成而自慙焉曰是烏足爲志夫志繁則複簡則遺紊則失序昧則弗章銜文采則罔實專溢美則近諛徇情則曲任已則愚一有於是則弗公弗公則無以示遠而垂戒夫惟不煩於詞一六

事備也不淆於序而其統正也不侈於文而其體質也不牽浮議不怵貴勢不比親暱而予奪公其守嚴也書其美則惡者戒書其得則失者彰而勸戒之義昭也夫若是者志之善歟史之義歟雖然予未逮焉竊欲勉焉耳矣志凡卷十四目四十有一姚侯倡之未幾去今守徐侯宗獻卒成之振一郡墜典使文獻足徵二侯之功實爲大協贊其成者二守黃君信通判毛君鵬錢君士宜而與予同事者郡學生歐陽誠云明正德甲戌八月旣望分宜嚴嵩譟丁巳秋予從白門渡江來袁適役人迂者投郡乘一帙予乘舟中清暇得卒業焉見所紀形勝習尚等頗悉心甚快

袁州府志

卷首

原序

三

之徐而讀藝文則盧學士海潮一賦古今稱絕筆者竟漏而弗收園田賦則隆萬間所頒一條鞭之成法海內共遵守者亦淆而弗協檢人物則國朝黃太常當日孤忠奇節千載無兩者亦畧而弗盡闡其餘若秩官則有姓名猶登仕籍而久鋪張其蹟於列傳於事例果合乎又有俎豆已配新建而尙泯滅其功於原任於輿情果愜乎迨入袁詢諸士紳云郡乘之失於補輯已七十餘禩前此因採訪弗詳間有遺缺後此因緘藏弗嚴每以臆入矧七十餘禩來滄桑之變幻靡一規條之頒布遞更宦轍鄉評之流傳互異今日不續而新之所稱傳信謂何予自分黥淺烏敢與

編摩之役且一麾甫出耳與口所拾幾何用是遠巡而未
之逮也已未夏予逐隊北旋鄉先生袁公景源吳公受元
朱公省行咸枉顧而隨以志事告予予欣然曰三先生峻
采清標皆擅譽一時幸俱養高三徑洵可共成此盛舉者
因卜庚申孟春掃昌黎書院延而請之三閱月而纂修成
帙諸所損益犁然可觀遂謀諸同寅暨邑令付之剞劂夫
袁據江右上游山水之奇秀風俗之澹樸英賢之炳蔚詩
文之超絕忠義貞烈之翩翩趾美洵稱文獻之邦雅重於
寰區者茲志成則足而能言徵而可信庶幾免挂漏虛誕
者乎而以風勵後來所裨甯詎淺鮮惟是壤瘠賦重民罔

袁州府志

卷首

原序

四

堪命往往窮逼流徙至於田之蕪者半室之虛無人者亦
半則有望之而令人目蒿者倘值旱潦愆期未知又作何
狀予守斯三載碌碌備員靡能爲一方請命令稍甦息惟
願上之人閱茲志而於稅役間特加意焉詩曰民亦勞止
汔可小康又曰豈弟君子民之攸壘其惟袁今日乎因爲
叙而並及之萬曆四十八年庚申五月袁州府知府黃鳴
喬撰

郡何以有志數千里土壤生齒林林總總錯雜而處狀不
勝異開設以來經賢明二千石日琢月範賢賢而親親事
不勝紀故非志則誰與離異而爲同非志則誰與徵往而

俟來吾郡志嘉靖丙午間嚴翁中適秉政始於圖得
宋嘉定志將舊所修甲戌志同二三大史高四等今乃
集遂成文獻迄今七十餘年矣已往之典章久而
前之利病漫而未錄失今不修後將何俟丁巳舊湯
來守是邦公歷世名臣所著尊公寤言室藁海內
孝下車吾袁先撫字崇校庠翦繁滌穢鈐剛固柔直欲以
古人君子自見忽一日召郡士夫朱君志吳君三益并
肖泗謂曰郡之志猶國之史國史作而亂臣賊子懼郡志
明而城狐社鼠杜即令明察之官而文獻無稽宵人
冬選其胸而國計民生兩受其弊矧袁賦倍他州例不加

袁州府志

卷首

原序

五

派而志畧不詳黃大常荷風雷表白崑山民纏纏能言之
而本郡不試子大夫亟圖之毋諉不肖等俛謝不敏未知
所諾公曰此關係不小且不可當吾世而失千秋之業先
期下檄縣官諸博士備採事蹟以來館穀筆札關局在攬
不肖等雖固陋弗獲再辭因檢故牒叅各志訪之父老質
之近事矢公矢慎凡三易藁而顛編成上之公親自考訂
一字一義悉經推敲至於人物尤再三覆審而冊定焉今
且錢之木矣泗喟然歎曰公之修郡乘也豈嘗以
點綴風月寄興雲霞之想已乎閱賦役憐民情
橫歛之何堪坐巖堂入賢關則思樹德育材之

業之焜煌見俎豆之芬陳則思趨妍避醜之恐后草茅下
士偶接一編仗節死義之哲凜凜如生旂常竹帛之英朗
朗耀後誰不相視爲東家邱也且公意尤曰吾今日坐宜
臺可得行者行之儻且夕被召去而有是志在後之人踵
而行之以無失尺寸將庭無喧雀之擾境多蜚鴻之彥哀
之人不永有庇乎噫公之思遠哉特泗等淺謏無文不能
展三長以効一二而幸公總裁於上則又可恃以少述也
已是用謹述片言以告來者鴻臚卿宜春袁業泗謹

吾袁郡志入本朝凡三修嘉靖甲戌嚴惟中先生考策於
秘府博採旁搜初爲義例金陵顧東橋公所稱並美都元

袁州府志

卷首

原序

六

敬黃山圖經李懋卿東莞志邵國賢許州志者也萬厯庚
申莆陽黃公守郡聘袁朱諸公續修於前志稍有刪潤義
例未改也抵今已三十年崇禎癸未弗悉於寇并舊志多
殘缺焉甲申東粵廖公以星都司李來視郡事惕然懼文
獻無徵屬多事困敝之後兵戈紛沓雖日不暇給而神有
餘閒已覺政行民孚制定務省急取庚申舊志補綴缺漏
其續而編者以俟也辱顧不佞爝曰往蹟藏否名懿儀式
志實有裨益於治袁東南望郡聲光赫奕視昔有加志未
可缺也公爲序而補梓之爝固謝不敏屬命益堅敬言曰
昔者聖人之爲文也於史焉急曰知我罪我其唯春秋其

說禮也又謂杞宋之不徵也夫國非文不興郡邑固國也
經之天文紀之地理總之實政考之人物以至賦役典禮
風俗彙祥各附於其域一惟文是傳弗文即傳弗信是故
志儻三徵而道是貫聯今昔綜名實凡爲郡之政正疆導
俗守封祀神理民率下章憲興教無不備具學而文則修
辭立誠文而志則金石堅而四時信也袁嘗國初率先服
事不煩征會民習慤樸賦稅誤報故三百年來供賦唯辛
苦未見兵革乃一紛于丁丑再躡於癸未袁民樂胥不
仍其初矣楚疆蜀界滇甸黔服趨便爲衢窮黎肩脊瘠瘠
汗萊溢日廬垣半毀戎幕新張鋤戈犁鉞衛妨相半土廢

袁州府志

卷首

原序

七

詩書家空枵軸困棘我袁未可以昔之政爲政也公之至
也咨諏老更稽考掌故觀於山川而險易可具修量於戶
口而賦役可均平諗其風俗而人不愛其情得其美刺真
而訟獄省息先其大而興除皆利也以是舉政實有其道
爰取而文之含英咀華擴蘊揮聚一補志而用意勤劬占
公遠大之至達之天下可也而況於郡乎傳曰國史明得
失之故斯其有之易曰以言有物而行有恒然豈獨見公
有恒之言哉於戲可以永世矣都御史分宜鍾炳譔

署府事廖文英引畧云崇禎十六年九月萬載天井窩寇
乘虛入袁未幾大兵恢復流賊張獻忠又陷袁吉諸城旋

踵奔去繇是賊梳兵篋焚僂之慘亘古未有英奉命移守是邦哀鴻復集然城郭如故典籍淪墜深慮予心爰請之當事謀於同寅搜訪殘篇壽諸剞劂止按舊本以傳信未敢修續而失其敬言其畧以俟來茲

皇上親政之載時余備員西曹奉

詔江右得網羅十三郡典故爰從做卷王君署所讀袁郡志至田賦之誤六畝一鍾倍於他郡未嘗不三太息也迨出守袁州會當事有汰浮之請

命考成憲而袁郡七經兵燹成憲蕩如當事據志陳情得允所請自明二百年來四邑數百萬生靈痛不可忍之瘡

袁州府志

卷首

原序

八

疲蘇諸一旦然則志之爲功於史而袁志之爲功於治也殆千萬禩而不可泯矣第後之視今猶今之視昔今失此不修而文獻不足蔑由取信來茲是誰之過歟余不敏承乏巖疆抱慚凶陋何敢僭膺茲役顧竊維袁志自庚申修輯以來凡三十餘年間民風土俗沿革者幾何事乎問學校選舉興行者幾何典乎問忠孝節義與夫名山石室之藏幾何表章而按緝也爰謀之同寅廷玉弋公青巖鍾公延鄉先生退菴陳公輩微顯闡幽謹嚴筆削首之以輿圖次之以賦稅戶口次之以創建儲備次之以名宦人物軼文藝志凡若干卷三月而告厥成因歎郡志之爲功於史

而袁志之爲功於治匪淺鮮也既又思之功吾欲其成也
過吾欲其匡也而或紊或昧或曲或諛有一於此無以乖
遠謂非始事之咎歟第有退菴諸先生在則吾知免矣庶
幾與前志後先焜耀以成

昭代之外史也哉前乎此者蒲陽黃公修於萬曆之庚申
而獻副景源袁公爲之董狐今其令嗣袁子繼梓校讐得
失無愧先業尤一時共事之雅也例得並書以紀盛典云
順治十三年丙申十二月袁州府知府吳南岱撰

事在沿革廢興之交君子必慎言之尤不得不詳言之其
慎言之者國史之職也其辭微其旨隱而章豈有所不得

袁州府志

卷首

序

九

已於斯乎其詳言之則外史之職也事雖止於郡邑將以
備采風焉使後之人或傷其闕而或病其誣此亦載筆者
之過矣余以校士初到洪都見其都人士與其城郭井疆
與夫學宮茂草先疇舊德之非其故未嘗不惻然感心撫
郡邑之遺編而未忍卒讀也而猶不若袁陽之甚則今讀
袁守吳公之續志而知之困重賦者幾百年困兵燹者十
餘年來凡七次祇今六畝一鍾已汰其半賦

朝廷之加惠袁民固已縷悉言之揚新政紀民瘼也若夫
哀故腹地舊無兵今置兵矣兵不至病民民不至病餉蓋
持論不激而存其可行并其未行者議屯議役議復驛

姑議充軍存其一可久者年來忠孝節義之出於袁多有其人江枯石爛應且不朽在縉紳學士班班可稽固不令黃太常笑人三百年之上而卽有隱逸數君子亦得附循吏鄉賢之末下有巢山決不拜人馬首其爲風勸不旣深乎抑志中尤有深感焉竝流特節其死於賊死於勝國之叛將死於驕兵貞魂懋落殆滿山川傳者傳矣雖彤管不加芳而其不傳者什且八九冷草荒烟則已空濛滅沒而不可問於此一條尤三致意焉賢太守不獨爲袁人歎息而已蓋將以風天下實有以風天下之丈夫而巾幗之不若者吳公泰巖與余爲同巷友知其工詩文不意其爲

袁州府志

卷首

原序

政心閒乃復到此彼中有昌黎堂當日韓公之所以刺袁者豈有以深得其遺意急起而赴之乎順治十四年丁酉飲蒲後二日江西提學楊兆曾撰

傳曰沃土之民淫瘠土之民思思則善心生於是知瘠土之易爲理也江西郡十三袁稱瘠焉川谷僻遠巖石廉利其巉峻磊砢之氣小人得之爲愿樸君子得之爲介特其發爲文辭則又多高寒幽峭之音鄭守愚之遺風猶有存者近代黃太常抗節犯難精誠動天地其後士大夫多厲廉恥尙節烈至今未墜民間閭巷無純綺皆安儉守簡淡然而易足固知瘠土之民多善也然耕作弗力徒手召佃

山谷麻枲之利讓之閩越之流民而土人不有予又嘗懷其儉而未勤也使之力穡重農棄師巫而崇禮義庶幾稱治而非上有休息之政無以安瘠壤之民蓋地逼長沙浦民客戶易亂難靜攷諸往牒江楚有事袁必先受兵故明初設重衛以鎮之籍軍視他衛獨倍懲於已事也賦重糧浮積累幾三百年賴今

天子一旦減除德意洋溢一二賢長吏又與之釋負息肩吾異後之人其毋或擾吾民也夫天屬之愛莫甚父子有寡人焉不克衣食厥子曰撻而索其養鮮不離矣況民上乎夫鑑水知貌鑑古知政郡故有志殘缺漶漫順治丙申

袁州府志

卷首

原序

十一

前守吳泰巖補刻新志一冊文采斐然患其析未合軼未全也告郡大夫李煥章率其邑長摻集屬友人博洽者合校爲是編嗚呼志亦史也利病必詳好惡毋作浮華弗摭亦猶良史之遺也初浮糧告蠲之役事下部議患無所依據賴前守持郡志白部事遂定於戲後之吏茲土者綜古核今其必曰某事便民某事厲吾民其尙知所從事哉書凡若干卷始自康熙甲辰迄丁未秋乃成康熙六年丁未仲秋分守湖西使者宣城施閏章譔

郡有志其猶古侯國之史也孔子因魯史作春秋二百四十二年記事之書雖係一國而天下之義類備焉志固可

缺乎哉袁陽爲湖西與區建置最古又韓退之李文饒兩先生過化之地凡秀巖靈泌之蹟兵屯錢穀之數名卿士之躅雲亭西室之藏自非他郡所可及兵作以後舊志殘缺前守吳泰巖先生補刻新志另爲一集於全書弗常也康熙癸卯予不佞來守是邦不自知其固陋欲謀之二三僚友及郡之文獻俾董其成適以萬載賦稅不清窮源抽緒如是者經年繼又修郡城修萬載城新昌黎書院新郡學新四邑學暨重建麗譙諸工作手口卒瘁日不暇給編摩之役竊志焉而未逮也適宣城愚山施公理學淵源以斯文爲已任念袁志勿完舊聞放失後有作者而無所

袁州府志

卷一

原序

三

折衷亦前人之過也屬余採摭遺文及一切沿革盈縮之數同寅孫善徵夏在田鄭象菴四邑各令長鄉紳袁勝之輩同心愜志博收廣攬先後繕呈公手自裁定予受而讀之未嘗不嘆其覩記之廣而用志之勤也會督部院麻公撫部院董公加意吏治欲躋斯民於唐虞三代之隆檄取郡乘以備興除予不佞拜而上之繙閱再三加之筆削命付剞劂予伏而嘆曰袁之爲袁山川土壤猶是也戶口之蕃衍物產之充盈風俗人文之淳樸炳蔚今尙有存焉者乎扶衰起弊予愧非其人不能不望於後之君子而李渠水利爲救時第一義竭力講求今亦幸有成功庶幾盡職

分之萬一也因識此以自勵云爾康熙九年庚戌孟夏袁州府知府三韓李芳春撰

袁郡之有志也自宋嘉定始也其前不可得聞矣嘉定原本則又明嘉靖丙午闕巖少師秉政時得諸秘閣與二三太史合前後志而纂輯成書者也厥後黃公鳴喬之重修廖公文英之續刻吳公泰巖之補刊其書今概無傳焉迨我

朝康熙丁未前守李公芳春觀舊志殘缺於是採摭遺文旁收廣攬與湖西監司施愚山先生手自裁定頗稱完備迄今已九十餘年矣歲乙亥予奉

袁州府志

卷首

原序

三

命來守是邦首卽索取全志欲以周覽數千百年之掌故洞觀一郡四邑之情形奈歲月久遠字畫漫滅因思袁爲江右名郡山川風俗之美人物文章之盛韓李二公之所培植盧鄭諸先輩後先輝映其間惟是舊志修於兵燹之後載籍散佚蒐羅匪易前人加意搜求展轉八九年間猶不能無缺遺之嘆况閱茲九十餘年之久缺焉無紀則一切事跡其不滅沒於荒烟蔓草間者幾希矣當是時予方心識焉而未逮而修廢舉墜實未嘗一日去諸懷夫志猶史也所以紀實也事不目見耳聞洞悉本末而驟欲於錢編斷簡中揆其梗概文書案牘內僅取大端則不全不備

其所遺漏缺畧者又豈可勝道哉予自履任以來歷今五稔四境之風土宛然在目也山川里道之夷險人物戶口之豐繁固一一身歷之而親見之也士敦廉介之守女尚節烈之操聞風而想見其人考行而更著其實也布帛菽粟而外別無珍竒桑麻耕讀之業共相保聚是故闔一郡之風氣好尚五年之中其所得諸耳聞目見及所默識而心存者蓋不待披圖索記而一一能言其所以然然則斯志之修所以必待諸今日而不敢驟舉者非敢緩也況蒞任之初郡署之重葺昌黎書院之增修學宮之整理城垣之建築渠道之修復諸工繼作經費維艱而絲毫不以勞

袁州府志

卷首

原序

十四

吾民蓋又不得有所待也及今各工就緒年穀屢登閭閻無事政務肅清蓋欲與二三僚屬及四邑之紳士共從容簪筆於太平之歲月以樂觀斯舉之成也爰捐廉俸若干以爲之倡而闔郡僚屬文武及四邑之紳士大夫咸謂百年曠典欣然共勳盛事事固有所待而後起時固有所迫而後應非偶然也是舉也始事於秋八月竣事於冬十二月中間五閱月凡一帙成予繙閱再四闕者補之訛者正之續增者釐定之而人物一志尤絲毫不敢假借務期懸諸國門俾無遺議稿成凡若干卷繕呈大憲鑒定蒙獎借命付剞劂予思袁據江右上游萬疊巘岷江流

烟火相望雞犬之聲相聞民生其間食舊德而服先疇其
熙熙然相忘於化日光天之下而不自知者蓋經我
聖朝百有餘年之厚澤深仁涵濡養育而後得此於民也
用是與諸君子藉手一日以上答

聖主擢用之恩仰酬各大憲優容之德以盡吾心焉後之
守斯土者覽斯編其亦知予今日之心也夫乾隆二十五
年庚辰仲春知江西袁州府事蕭山陳廷枚撰

戊寅秋予奉

簡命來佐袁州蕭山陳公守茲郡五年矣既相見詢四邑
利病及損益張弛之宜陳公言之亶亶退而考志書則民

袁州府志

卷首

原序

五

風之瀟灑川原之夷險賦役之繁簡文教武備平陂盛衰
之倚伏與公言若合符節第曠久不修九十餘年板刻缺
漶漫覽者以爲病亡卯夏公以重修郡志見商予乃作而
言曰有以哉俗吏之怠而賢者之能其官也曩予先後兩
遊淞水出守淮安其郡皆地大物眾商賈輻輳魚鹽蜃蛤
之利甲天下而袁爲山郡物產不豐戶鮮蓋藏在江右一
十三郡中尤稱荒僻然民以土瘠而勤稼穡俗尙氣節而
服詩書較他土易治矧當今

聖聖相承自康熙丁未迄今其間禮樂刑政之大典章文
物之興條教號令之須施行於茲土賢司牧撫綏化道惠

風愷澤輝映於仰山秀水間者詎可俾之闕如也哉昌黎有言莫爲之前雖美弗彰莫爲之後雖盛不傳陳公之勲懃懇懇於茲舉也其知所務矣乎郡博士熊勉齋魯厚畚勤學能文章用付以編纂公不予鄙往復商確一衷諸義法之合予既服公得爲政之要知人之明而是書擇之嚴而成之速庶可以備輜軒之收採焉若謂踵事增華文飾治具而已則非陳公意也於是乎書乾隆二十五年庚辰仲春同知袁州府事營州楊應璠譔

余自乾隆庚午承乏贛之安遠贛爲江右上游山高水清自豫章湖流而南幾千里山川委折仡爲南服輿區歲乙亥奉調臨川臨川爲人木淵藪時汝合流川原多秀發之氣三年學製竊慕乎河上之風焉丁丑之秋奉命佐瑞州府事而別駐銅鼓未幾卽兼吉篆吉密邇於贛風土人物一如在安遠時也己卯冬復自吉移署撫州臨川爲撫屬邑民物吾昔所拊循也名山勝水吾昔所遊眺也回思宰安以後迄今十載車馬舟檣幾遍江右而予之

袁州府志

卷首

原序

夫

所以上圖報稱下慰民望者顧何日不競競也今年秋捧檄來袁而前守陳公纂輯郡志適成披覽之餘綱舉目張網羅散失補綴缺遺以成一郡完書蓋大有造於袁也袁於吉爲鄰郡自予守吉時卽聞陳公爲政精勤而銳於事

今閱全志見其一切興除均切民生利弊以所見証所聞益信陳公之爲政固宜俎豆於袁者矣夫袁僻處江右西偏山深水秀民生不見外事相安於詩書畝畝之業純樸近古亦其風氣然也予遍歷諸郡尙文者則傷於詐尙質者則近於鄙今入袁伊始採風問俗耳目所經士無佻巧之習民有敦龐之遺袁之風其在文質之間乎然吾嘗聞古人之治有數月之間而民之服教畏神歷千百載如一日者則韓昌黎之於袁是也昌黎刺袁數月而袁之文教大興唐宋以來爲諸郡冠予何敢上慕古人蓋一欲以一日之展布期與吾民共安之則以治吉治撫者移之以治

袁州府志

卷首

原序

七

袁或庶幾少有所效乎予旣喜陳公之所留遺者甚遠而躬逢盛事得以載筆簡端並垂不朽有厚幸焉是爲序乾隆二十五年孟秋月中浣署袁州府事瑞州府同知長白敏文撰

貴陽陳君治袁之五年政成而民和因以公餘蒐緝郡志謁序於余余自辛未壬申間以學使者按部再至袁州車輿舟楫之所經由民物阜安江山重掩而都人士之籍博士者類皆質慤而有文章厥後承乏楚藩往來復假道于茲士儒衣冠迎謁道左者鱗次櫛比數十里不絕殷然有敬師儒崇長上之心其醕謹有足多者間嘗攷其山川案

其圖牒林巒洞壑擢秀鍾竒迫于王程不獲遊覽然愛其俗厚而境清未嘗一日釋諸懷也夫豫章于三代爲荒服而宜春諸邑舊隸九江蓋其地接瀟湘與長沙繡壤相錯舉芳攬秀猶有騷人之遺而蕭柳王韓之徒之蒞是邦者皆能煦之以渥惠澤之以詩書一變其楚南剽曠之習而治日益進於古然自有明三百年困於重賦呼籲無所聞筠袁之交遂爲瘠土又幸遭逢聖世軫念民艱沛然下寬大之

詔悉蠲其兩稅之溢額者百年煦嫗以迄於今民皆蹈德咏仁和親康樂衣食於畎畝而秀良之彥以文行相砥錯

袁州府志

卷首

原序

夫

蔚然有師法可觀夫山川之靈淑旣如彼習俗之醇美又如此則訂譌補闕以勒成一書又烏可以已乎余重來江右訪獻徵文如童宗說宜春志王孚安成記羅誘傳信錄書缺有間不復得觀而陳君砮砮編纂義例謹審抑亦可踵美前哲以俟太史氏之觀采也若夫五臺三峽之勝石乳洪陽之奇展卷遇之如列几席則又余曩者觀覽之所未周而爲之悠然神往者已乾隆二十五年庚辰孟夏月江西布政使仁和湯聘撰

袁州於江右爲名郡昔韓文公刺郡日愛其賦稅及時閭里無事他日嘗一再寄意彤之吟詠當是時袁州屬江南

西道所領縣三日宜春曰萍鄉曰新喻宋開寶八年始割
筠州之萬載來屬雍熙元年又析宜春十鄉立分宜縣淳
化三年割新喻屬臨江軍州領縣四後遂爲定制由元迄
明未之有改也

本朝二百餘年間休養生息戶口物產稱蕃滋焉邇者粵
匪不靖擾及袁州蹂躪之餘民居蕩析雖旋經官兵剿定
哀鴻復集然城廓如故廨舍半頽曩時典籍則已淪墜無
存矣咸豐九年冬喬樞奉憲檄權篆茲郡下車之始循故
事索取郡志板毀於寇不可復得繼徵諸邑志皆以被寇
之後板籍亡失深用盡然於心數月以來於接見郡人士

袁州府志

卷首

原序

九

每從搜訪遺編遂展轉覓得府縣各舊志公餘之暇手披
目覽思與鄉人謀重加採摭增修新志祇以屬多事困敝
之日力固未之逮也顧念郡邑志書實有關於政治新志
縱未能續修而併此舊志亦聽其就湮毋乃守土者之過
歟且袁之爲州也地處江楚之交稽諸往籍江楚有事袁
郡必先被兵故前明嘗設重衛以鎮之是袁實江右西南
一屏蔽也觀於山川而欲知其阨塞之形險易之勢稽於
都里而欲知其遠近之域廣輪之數不有圖志其能瞭如
指掌況夫田賦之輕重物力之盈耗戶口之多寡風俗之
淳澆政事之得失利弊之興除非志更何所徵考則欲講

求吏治者誠不可不於地志加之意也嘗讀袁郡志載元末歐祥據郡田一畝令民納米三鄉斗斗止三升其後納歛造報誤以鄉斗作官斗明太祖減半定科猶畝稅一斗六升有奇有明三百年袁之官民公私交困至

國朝順治十年右布政使莊公有清汰浮糧之請

命考成憲袁以屢經兵燹冊籍蕩如巡撫都御史蔡公援舊志田賦一帙陳請得

旨俞允袁屬每畝一斗六升之誤科減照新喻九升三合之實賦於是四邑數十萬生靈始出於水火之中而安其耕鑿之天是志書之爲功於袁民而大有裨於

袁州府志

卷首

原序

三

聖朝之仁政也其所關係不甚重哉喬樅爰取諸志撮其沿革疆域都里城池山川水利關隘形勢田賦戶口學校公署兵衛武事津梁驛遞諸切治要者先付剞劂按之舊本以爲傳信之徵俟諸將來以爲續修之地閱者尙鑒其苦心而勿以不全不備爲責焉斯則余之厚幸云爾咸豐十年庚申仲秋知袁州府事侯官陳喬樅序

恭錄

列聖諭旨

順治十年九月內戶部爲清汰浮糧以甦民困事該臣等看得先該布政使臣莊應會奏瑞袁二府科糧獨重議清浮糧與各府相準臣部請

勅該督撫查元季明季冊籍或地係膏腴或從前誤編有何確據勘實具奏今據該撫蔡士英具題送到瑞袁二府志書前後額數懸絕開載甚明似應清減以昭

皇上浩蕩之恩將瑞州府浮糧減照元季之例徵糧袁州

袁州府志

卷首

聖諭

府浮糧減照相連之新喻上則田徵糧臣等未敢擅便
應請

聖明裁定者也等由順治十一年三月初四日題初五日
奉

聖旨這浮糧積久重困一方應從原額清汰着該督撫飭該府縣官確遵減免毋得踵弊混徵有辜德意欽此

康熙五十一年奉

旨天下地丁錢糧自五十年爲始三年之內全免一周除直隸奉天浙江福建廣東廣西四川雲南貴州山西河南陝西甘肅湖北湖南各直省於康熙五十一年蠲免外所

有江甯安徽山東江西各撫屬除漕項外五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱着察明全免其歷年舊欠銀二百四十八萬三千八百二十八兩有奇亦並着免徵各該督撫務須實心奉行體朕軫念民生至意欽此

康熙五十六年奉

旨將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇概免徵取俾民間均沾實惠欽此

袁州府志

卷首

聖諭

雍正二年奉

上諭順天府府尹等京師廣甯門外向有普濟堂凡老疾無依之人每棲息於此司其事者樂善不倦殊爲可嘉

聖祖仁皇帝曾賜額立碑以旌好義爾等均有地方之責宜時加獎勸以鼓舞之但年力尙壯及遊手好閑之人不得借名混入以長浮惰而生事端又聞廣渠門內有育嬰堂一區凡孩穉之不能育養者收留於此數十年成立者頗眾夫養少存孤載於月令與扶衰卹老同一善舉朕心嘉悅特頒匾額並賜白金爾等其宣示朕懷並倡率資助之益加鼓勵再行文各省督撫轉飭有司勸募好善之人於

通都大邑人煙稠集之處若可照京師之例行之其於字
弱恤孤之道似有裨益而凡人怵惕惻隱之心亦可感發
而興起也特諭

雍正三年奉

上諭古者視一歲之上中爲儲蓄積之於豐年散之於歉
歲有備無患法良而意美朕自臨御以來宵旰勤求無刻
不以民依爲念乃重農積穀之詔屢下而閭閻卒少蓋藏
官倉亦多虧缺蔡據江南浙江江西等十餘省督撫報今
歲收成八九十分不等朕覽奏不勝慰悅重爲吾民計長
久該督撫等可轉飭有司徧行曉諭務須撙節愛惜各留

袁州府志

卷首

聖諭

三

有餘爲他年緩急之需至於社倉之法亦宜趁此豐年努
力爲之欽遵在案今將所有貯府貯縣實在穀數備書於
左

雍正八年

上諭朕臨御萬方宵旰勤求惟以愛養斯民爲念數年以
來除租減稅疊沛恩膏不但旱澇歉收之處蠲賑兼施卽
該省年穀順成不須寬賦而朕欲使民力寬裕每加格外
之恩蓋國家經費旣敷則藏富於民俾各家給而人足乃
朕之至願也查各省錢糧朕特降諭旨蠲免者已多今次
第舉行應及於江西湖北湖南三省着將辛亥年江西湖

北湖南三省額徵錢糧各蠲免四十萬兩又念直隸乃畿輔首善之地應沛殊恩山東今歲被水之州縣稍多朕心深爲軫念除二省滂溢地方已加意賑恤並將本年額賦照例蠲免外着將辛亥年直隸山東通省錢糧各蠲免四十萬兩以上五省共免正賦二百萬兩各該督撫應仰體朕心嚴飭有司敬謹奉行務令閭閻均沾實惠倘奉行稍有不善或被官吏侵漁或有衿棍包攬等弊一經發覺必重治其罪並將大小官員嚴加議處特諭

乾隆十年奉

上諭我朝

袁州府志

卷首

聖諭

四

列聖相承深仁厚澤無時不加意培養元元以期家給人足
聖祖在位六十一年蠲租賜復之詔史不勝書又曾特頒諭旨將天下錢糧普免一次我

皇考宵衣旰食勤求民瘼無日不下減賦寬征之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海澨山陬一民一物無不均沾大澤爲是特降諭旨將乾隆丙寅年直省應徵錢糧通行蠲免其如何辦理之處着大學士會同該部卽速定議具奏欽此

高宗純皇帝書李觀袁州學記後

郡縣有學所以養士造材同風迪德正其身心性命之原
示以言行正教之準育之平居無事之時以備國家之任
使其事誠不可以苟安必牧民者殫厥心力期大成而不
求小得導之以誠持之以寬要之以久然後材達行修而
可濟於實用吾於李觀袁州學記蓋不能不三致意焉觀
之言畧於四代設學之規惟以忠孝大節進勉諸生至於
慷慨激昂洞見肝膈使人有所動而有所畏其可謂明於
學校之本者也禮樂百年而後興當宋仁宗時承咸平景
德之治用范文正公之言遂詔天下皆立學而守令猶有
格不奉行弦誦不聞者獨袁州毅然行之又得觀爲之記

袁州府志

卷首

聖諭

五

爲道學校之本若是豈非袁民之幸哉雖然自宋至今幾
千年矣牧民者誠能體上意盡心學校以爲儲材育德之
區訓忠教孝以爲制行之本如觀之言各勒諸石俾士子
觸目而知警以修厥身以激發其至性而爲國家大有用
之才亦世道之厚幸也

高宗純皇帝御製題勝朝殉節諸臣錄序并詩

昨以勝國殉節之臣各能忠於所事不可令其湮沒不彰
特勅大學士九卿等稽考史書核議予諡入祠以昭軫慰
其建文諸臣之死事者並命甄議茲大學士等議上錄其
生平大節表著者予以專諡餘則通諡爲忠烈忠節次則

通謚爲烈愍節愍統計一千六百餘人若諸生韋布未通仕籍及姓名無考如山樵市隱之流則入祀所在忠義祠統計又二千餘人各爲一冊進覽之均爲允協因名之曰勝朝殉節諸臣錄冠以所頒諭旨附載廷臣議疏彙刊頒行俾天下後世讀史者有所考質夫以明季死事諸臣多至如許迥非漢唐宋所可及錄而徵之亦累朝所未舉行似亦足以褒顯忠貞風勵臣節固不必如張若淮所請之遍行查訪徒滋紛擾致無了期且卽再入數千人於表章大義亦無所增減廷臣駁議惟避亦并載之爰題詩簡端用示大意

袁州府志

卷首

聖諭

六

信史由來貴瘴彰勝朝殉節與羶薌五常萬古旣云樹潛德幽光允賴揚等度早傳遼及宋後先直邁漢和唐諸臣泉壤應相慶捨死初心久乃償

專謚明臣黃子澄忠愍袁繼咸忠毅通謚趙賡禹烈愍御批袁繼咸義感悍軍忠抒讜論克全大節悉本純衷道光二十五年八月初三日奉

上諭朕勤求民隱子惠元元自御極以來蠲賦緩徵恩膏迭沛所願人安樂利戶裕蓋藏俾閭閻日臻康阜因念各省民欠錢糧自道光十五年降旨蠲免後計期已逾十稔本年

恭逢

聖母皇太后七旬萬壽海寓乂安民物豐豫允宜推廣

慈恩覃敷闔澤用昭錫類之仁所有各省節年正耗民欠錢糧及因災緩徵帶徵銀穀並借給籽種口糧牛具及酒項蘆課學租雜稅等項著各該督撫將軍府尹等將道光二十年以前實欠在民者詳晰查明該省所屬某州某縣銀穀若干速行開單具奏候朕降旨全行豁免並著先將此旨刊刻謄黃徧行曉諭務使城市村鄉咸喻朝廷德意毋任官吏胥役等延擱侵漁致滋弊竇期吾民休養生息孝弟力田比戶可封催科不擾用副朕延

袁州府志

卷首

聖諭

七

稽篤祐申錫無疆至意該部即遵諭行欽此

咸豐三年二月初四日內閣奉

上諭軍興以來已越兩年逆匪自粵而楚攻陷州郡蹂躪地方吾民顛沛流離深堪憫惻業經先後降旨今將廣西湖南湖北被擾地方應徵地丁錢糧分別蠲緩以蘇民困現在賊自九江東竄安慶失守民間遷徙倉皇遭罹兵燹春耕將及力作未遑瞻念南邦實深厯繫所有江西安徽沿江一帶被賊擾害各州縣應徵錢糧著各該督撫確切查明迅速奏請蠲緩其附近地方雖與被兵處所稍有不

同而警報頻聞民難安業著一併查明分別奏請恩施用

示朕軫念窮黎至意該部知道欽此
咸豐十一年十一月初八日內閣奉

上諭我朝深仁厚澤浹洽寰區軫念民依無微不至偶遇
水旱偏災疆臣入告無不立沛恩施其被擾害地方小民
蕩析離居情形尤慘各該省督撫大吏自能仰體朝廷予
惠痼瘼之隱隨時查勘分別奏請蠲緩惟是好猾吏胥從
中舞弊往往恩詔雖頒有遲至數月而始張貼者有先徵
錢糧而後張貼者在國家屢頒寬大之恩閭閻仍難沐纖
毫之惠屯膏壅澤皆不肖有司階之厲也嗣後遇有蠲緩
恩旨該省督撫當卽趕緊刊刻謄黃嚴飭各州縣隨到隨
貼務使實惠均沾家喻戶曉如或有視同具文及任意壓
擱致朝廷澤不下逮一經發覺朕必重治其罪以爲玩視
民瘼者戒欽此

同治元年正月奉

上諭朕奉

母后皇太后

聖母皇太后懿旨天生民而立之君使司牧之人君之職所
以理萬民而使之安居樂業衣食各得其所也我朝

列祖

列宗宵衣旰食無日不勤求民隱是以蠲租肆赦之詔歲不

袁州府志

卷首

聖諭

八

絕書皇帝以冲齡而寅紹丕基若涉大川罔知攸濟深維
出治之源必以民生爲本痼瘵在抱寢寐時縈至各直省
地方水旱偏災近日因經費不充地方官或至諱匿不報
仍復征收四野鴻嗷豈忍坐視江蘇安徽浙江失陷郡縣
本年錢糧業經降旨悉行豁免第小惠未孚民隱尙難偏
舉皇帝深居九重豈能周知民間疾苦是在內外交武大
臣以及翰詹科道有言事之責者博訪周咨隨時具奏使
閭閻幽隱咸得上達朝廷迅速辦理以慰視民如傷之念
其各直省督撫大吏有斯民之責尤當妥爲撫卹其各仰
體奉行毋有所隱欽此